



**Go tìkakarraigai
jìikiaxdhìrri, bhai
agiidhirxikami
bho arhi kiikiirri
dana kiikiirri
odhakami ódami
go medida
legistaliba.
2022**



**Reforma Integral
Constitución Política**
del Estado de Chihuahua

Tukamirri agidhirxikami.

Go reforma costitusal bho materia gir sirhikamiga matikagi dhi soikidhagi, mamatildhiadami dhi ijgiakami go arhi kikiirri dana kikiirri odami odhakami.

..... 1

Agidhirxikami gooka

utudukami leiyi dhe sirhikami go arhi kiikiirri dana odami kiikiirri bho estadorri.

..... 5

Agiarxikami baika

sirhikami xi gin bidhakagi dana niokadagi politika oidhakami

..... 10

Aagirxikami 4

Sirhikami xi gi maatikagi dhi agadagi (leiyi de tikakarragai)

..... 19

Agirxikami 5

Sirhikami biakarragai go justisia

..... 23

Tukamirri agidhirxikami.

Go reforma costitusal bho materia gir sirhikamiga matikagi dhi soikidhagi, mamatildhiadami dhi ijigiakami go arhi kikiirri dana kikiirri odami odhakami.

Go sirhikamigadi go naanamaxi niokadami.

- Go **jigi agidhirxikami** irri jimo sirhikami xankidi bia go kikiirri xi bai agagi, gin bithuldhakidi xi ixtumaaxi matika irhiada ogó, maitha sobidhikami tumarhi jimadu kidhiandirri, tumarhi go istitusion dhe guupudabiakami.
- Go **ijigiakami** irri sirhikami xankidi bia go arhi kikiirri oidhakarraigai bai irhiadakami, xi ixdukatai tiigi go bopoxikadi, maitha sobidhikami nuukadarragai go oidhigi, naanamaxi ixikami dana kikiixi, ijikiatai biakagi gin guupudabiakami, gi xiadutuada go aadundhagai, biakagi ogó jiiigi gin xaadutudharragai, soimaaxi daibuskiitai xankidi maitha tiikaidhaka bho arhi kikiirri, ixtutuidhikida xi kiika titigiada aarhi, xi bixkirri gi niokadagi gir niokikidi, xikadi ajidagi jimo kokodagai bixkirri gi duduadhiada gin duduadhiadamikidi; dhi biikirri go guupudabiakami soikidagi biixi aekatai agiarxikami bho jikiaxdhirri.
- Go sirhikamigadi go **tikakarraigai**, irri sirhikami go arhi kikiirri xi maatiithuldhakagi, dhi apodukai matii kaekagi xi ixtumaaxi agagi bho ixtumaaxirri gi buujimi o go juutudami leyi, go programa dhi proyeto xankidi ixtutuidhikii xi xiatuidhagi go oidhakarra, bithuldharra dana obhagarri.
- Go sirhikami ga **niokadagi dhi bidhikagi namiakami pilitika** irri go sirhikamigadi xi maatiituldhiakagidhi bai aagadagi bixi aekatae go asunto publiko xankidi irri bitarri dhi podukai bai agagi xiorrai odami dasagi ami baithiki soikidagi bho munisipioana dana ami congresoana.
- Go obhagadi kikiirri irri odami oidhakami dhi gi mamatii odami oidhakami dhi go guupudabiakami, bia aipadirri obhakami dhi xiakoga gin jimpadhi dhi gi abinakidhiña dhi bai agaiña jaatagi. Ajii ami uukami xiakoga gi isai, kuaiyi bixtaki, xiakoga jiipo basoi

b'itarr' kuadagai dhi duadhigami b'itarr', xiakoga guuka úxi dhi xi ixtumaaxi t'igithoka ódami obhakami, j'ipandukai j'ikidhi obhakami.

- Írr' kiikiírr' xiakoga obhaga arhi kiikiírr' bidhakami k'ik'irhi dhi ooki xiankid' ojadaiña g'ín bithulddharra j'ikiaxdhirr' bidhikami xi ixdukataë g'ín ab'ínakiada, duñiarragai go bagimi, jaadunthualdhagi go d'iid'ib'irrai, darrasadagi g'ín guupudabiakami, g'ín j'imp'iadagi bhaiduñiarragai g'ín soirriarraga dhi maat'ikana dana g'ín j'imapi oidhaga.
- Go sistema normativo írr' t'iiya írhidhi xi dukatai g'ín dadasai go guupudabiakami, bai duñiagi go soimaaxi írriarragai dhi k'iiiga b'ikathika go obhagad' b'ixi aëkatai ódami ñiokadami xiankid' oidhakami kiikiírr'.
- Írr' ódami ñiokithulddhiadami o bai aagadami írr' xiorrai k'iiiga maat'ikagi g'ín ñioki, g'ín bithulddharra dhi g'ín s'irhikami dana írr' soikidami go kiikiírr' am' buidhirr' go oficina dhe t'ianidami dhi guupudabiakami xi agai xi ixtuumaxi t'igithoka go oidhakami arhi kiikiandhirr'.
- Go edukasion interkulturrhali naanamaxi ñiokadami írr' j'imo s'irhikamigad' go arhi kiikiírr' dana ódami kiikiírr' xi am' eskuelagana g'í mamatiithulddhiada j'imo k'iiiga maat'ikami g'ir bithulddharra dhi g'ín ñioki xiankid' g'í ñiokadagi am' gin kiikiírr'.
- Go edukasion interkulturrhali naanamaxi ñiokadami írr' j'imo s'irhikamigad' go arhi kiikiírr' xi go edukasioni xankid' gi maat'itulddhi bho escuelana publika g'ín bidhakagi maamat'itulddhiadamixiorrai k'iiiga maat'ikagin g'ín xiadutudarragai dana b'ixi go naanamaxi ñioki xankid' g'í ñiokai g'ín kiikiírr' dhi j'ipo eskuela g'ín bidhakami áarhi okixi, k'ik'irhixi dana g'ig'irhi ódami. Dana , go edukasioni g'í t'it'igiada g'ín ñiokikid'.
- Go s'irhikami salu bho arhi kiikiírr' dhi kiikiírr' írr' t'iiya írhidhi xi k'ii bai maaxi oidhaka g'ín soikidhatai g'ín jaaduñi bho g'ín obhagarri xiankid' maat'í duduadhi dhi idhi ódami g'í xiadutuadagi dana j'ip'í g'ín soikithulddhiada am' gobiemoandhirr' jaatabuadami b'itarr' go arhi kiikiírr'.

Tiikákkarragai

1. Dukataë bai gĩ agai amĩ kiikĩĩrĩ?

2. Pĩrhidhi pĩxi xi go leiyi bai agadamudai xi dukataë gĩ bai gĩ agai gĩr tĩanĩdami?

3. Dukataë gĩ dadasai gĩn guupudabiakami amĩ gĩn kiikĩĩrĩ?

4. kĩgadu xi jipukagi jĩmadutai ódami amĩ munisipioana dana kongresorĩ?

5. kĩĩgadu xi gĩ maatĩkagi go sĩrhikamigadĩ arhi kiikĩĩrĩ xi jĩgi bai agadagi xi dukataë oidhaka ĩrhiada.

a) ĩjĩ

b) choo

¿dukataë gĩn tĩgithoka xi gĩ duĩniagi?

6. Xi dukataë ïrrï bamioma kïgadu xi obhakagi dhi gïn juurrabaka bho gïn kiikïrri?

7. xiorrai ïrrï tuidhakami go dïdïbïrrai dhi oidhigi xiakoga obhaga aapimo?

8. xi bai kïigadu xi go tïanïdami guupudabiakami darrasadagi bho istitusioniana xiankïdï soikïi go kiikïrriódami ñiokithuldhiadami, apodukai tuudu bamioma kïiga gï soikïdagi ódami.

9. kïigadu xi go guupudabiakami ga tïikakamudai jïpigioma xiïkadï gï bai duñiagi jïmo leiyi o gï ágagi jïmó proyeto dana jaataduidhagai bho gïn kiikïrri.

10. tuumaxi gĩ ágai xi gĩ bidhakagi xiankĩdĩ ga mamatĩtulldhi gĩn maamarra bho eskuelana?

11. dukataë pĩrhidhi aapimo xi gĩn soiñagi go jaatabuadami amĩ gobiernorri bho go duduadhikarrurri?

Agidhirxikami gooka

utudukami leiyi dhe sirhikami go arhi kiikiirri dana ódami kiikiirri bho estadorri.

Go utudukami leiyi gágai xi ojxikami biiyagi go baithikioma darrakami sirhikami.

Go sirhikami xi ijiigi bai agági: xiuduku jimadutai gĩ agági xi irri ódami, iigi bai irhiarraigaikidĩ dhi tipokagi xorrai agithuldhagi xibĩadĩrri ódami dhi istitusion.

Sirhikamigadĩ go igiarxikami: go igiarxikami irri sirhikami xiankĩdĩ bia go arhi kiikiirri kiiga bai maaxi oidhakagi bai gĩn irhidhitai. Xi dukataë tiigi go bhabhabhadĩ, maitha sobidhikami nuunukadada gĩn oidhigiga, go basoi dhi bixtaki, dhi gĩn bidhakagi ijiigiatai gĩn guupudabiakami, gĩ xiadutuada xi dukataë gĩ jaatabueiyi, xi go justisia gĩ budagi iigi go arhi kiikiirri, soimaaxi daibuxtudaitai xorrai soimaaxi gĩ aajagĩda bho gĩn arhi kiikiirri, gĩ niokadagi gĩn ñiokikidĩ, dhi xĩkadĩ aiyiagi jĩmo kokodagai, gĩn duduadhiadagi jimadu gĩn

duduadhiadami; dhi bikirri go gobierno gin soikidhagi bixi aekatae ikiaxdhirri agirxikami.

Go arhi kiikiirri oidhakami: irri chichiki kaburhi oidhakami, obhakami gin oidhigigana ikiaxdhirri maitha kia jipukatai leiyi dhi gin bidhakana gin abana istitusioni sosial, ekonomika, bithulddharra dhi politika, o jimadutai ogó. Jipana dukai go tatarromarhi, odami, buarjio, oba, misteko, sapoteko, dhi ijaa.

Go sistema normatibo irrandhirri, irri go kaburhi kiiga baimaaxi gin juurrabaka dhi gin bithuldhakidi xankidi bia go arhi kiikiirri darrasadagi gin guupudabiakami, bai buadagi gin soiirhiarraga dhi kiiga bikathikatai gin oidhagirri bixi aekatae oidhakami xankidi irri bho arhi kiikiirri.

Go oidhigirri: irri xiakoga obhaga dhi gi matii oidhakami arhi kiikiandirri dhi ajiga ami juukami xiakoga gi isai, ga koayi go bixtaki, xiakoga guuka basoi xankidi gi koayi dhi gi duduadhi, xakoga guuka go uuxi dana ixtumaaxi tigithokagi odami oidhakarra bitarri xi dukatae jiiikiaxdhirri odami.

Go sirhikami bai agadagi ijigiatai: irri go sirhikami xankidi bia go arhi kiikiirri xi bai agadagi gin tigidaga gin bithudharradirri, bixi aekatae xi ixtumaaxi ninasorhigami tigithoka, maitha gin sobikida tumarhi jimadutai kidhiamadirri, tumarhi go istitusioni dhe guupudabiakami. Go sirhikami xi gin tiikakada: irri sirhikamigadi go arhi kiikiirri xi gin aithulldhiada ogó ixtumaaxi jiiipukagi, dhi podukai gi maatika ix kaethi bitarri go naanamaaxi ibuadami dhi go juutudami leiyi, programa dana go jaataduidhagai xankidi ixtutuidhikii xi soimaxiirri digabuñiagi gin oidhagirri, bithulddharra dhi oidhigiana.

Go sirhikami bho ijigiatai jimapidhikami: irri sirhikami xi irri gi jurraba chichiki o gin jimpaidhagi bho gin kiikiirri.

Sirhikami xi biakagi daibudami odami niokithulldhiadami, niokadami dhi soikidami: xikadi jimó oki o kiirhi baxidhika bho guupudabiakami irri guubudakidi bia xi gagagi jimo odami niokadami gin nioki dhi kiiga maatika gin bithulddharra dhi gin sirhikami, gobai irri tudu gin niokithulldhiadami dhi gin soikii xi kiiga gin maati kaekagi go ijaa.

Sirhikami xi gĩ biakagi agadami, gestiõni dhi serbisio gĩr ñiokikidĩ: xi go xiorrai ga soikidami o miadhitudai amĩ gobiõnorri ñiokadagi gĩr ñiokikidĩ árhi kiikiĩrri.

Sirhikami xi apia bikathika gĩr bithulldharra: idhi irri ágai xi gĩ ixtutuidhikii xi gĩ oidhakagi ix dukataẽ jikiaxdhirri oidhakami.

Sirhikami prhefirhenti go tĩgidaga, kiĩgadu bai irhiada dana kiika gĩ abana soiñi bixi namĩiakami jipokami oidhigirri dana serbisio gĩr obhagirri dĩdĩbirriĩrri: idhi tĩiya irhidhi xi xiorrai obhakagi dĩdĩbirriana irri xiorrai ixtutuidhikii xi jaadunthualdhiada dhi gaagarrada xi bĩxi ixtumaaxi busiagi amidhirri dhi xi jimadutai maitha obhakami pirhidhi xi ataduñiagi ixtutuidhikii dhi mos bai agagi go bĩxkataẽ árhi kiikiĩrri oidhakami.

Sirhikami go salu, irri odhakarragai kiĩga bai maaxi taadakagi dhi gĩn soikidagi bho gĩn árhi kiikiĩrri xiorrai matika duduadhi dhi idhi ódami gĩ xiadutuidhada dana jipĩ gĩ ixtutuidhikii xi go jaatabuadami soikidagi go mikaxidhirri jimidami dhi apodukai bai gĩn irhiada maitha biakataẽ soimaaxi gĩn oidhigiana.

Sirhikami xi bai agadagi xi dukataẽ gĩ duñia go bai buadami dhi gagagi xi ix dukataẽ kiĩga baimaaxi darrakagi: go árhi kiikiĩrri bia sirhikami xi bai agadagi xi dukataẽ oidhaka irhiadagi ogó dhi dukataẽ pirhidi xi maaxika gĩn kiikirri.

Sirhikami go matiĩdhaga: go árhi kiikiĩrri dhi kiikiĩrri oidhakami bia sirhikami xi ijiopadagi bho eskuela dhi xi gĩn tĩtĩgithulldhiada gĩn ñiokikidĩ.

Sirhikami xi jaatagaidha dhi bidhakagi politika: irri ix tutuĩdhikii xi gi dasagi jimadutai soikidami xankidĩ ga agadagi go tema pilitiko, dana bĩxi gi ix tutuĩdhikii xi aapimo biakagi xiorrai gĩn soikidagi ódami ñiokadami amĩ gĩn munisipiona dhi estadorri.

Sirhikami xi ga tañiagi go mediasioni: xi go soi maaxi irhiarragai maitha gĩ ix tutuĩdhikii xi bai gĩ duñiagi ix dukataẽ bia gĩ bithulldharra dhi gĩn xiadutuidharra bho kiikiĩrri, gĩ ix tutuĩdhikii xi jimai guupudabiakami gĩn soiñagi bai duñiagi.

Sirhikamigadi jimo kuadagai: idhi kudagai irri gi agai xi kigadukami gin bitarri, gipiaka dhi ix dukatae imadakagi aapimo.

Tiikakarragai

1. go arhi kiikiirri dhi kiikiirri oidhakami bia sirhikami xi apia oijadagi gin bithuldharra? dukatae? dukatae gi bueiyi gin bithuldharra?

2. Pirhidhi piixi xi gi xiadutudhiada gi bithuldharra, xiadutuidharra, bagimiga, buabuidharragai dana gin yuukuxi odami? Xi ix tuumaxi gi agai xi jaataduñiagi go guupudabiakami? ixthuiyi?

3. pirhidhi piixi xi apia gi duduadhiadagi xi dukatae gi bueiyi ikiaxdhirri jimadu mamatikami gi kiikiirri? Xi ixtuiyi?

4. ix tuumaxi biiga xi go duduadhiadami gi kiikiirri ixtutuidhikida xi bamioma muiyi soikidagi? Ix tuiyi?

5. dukataë gĩ agai xi gĩ maakadagi go jaatagi gĩn duadhiarragai bitarri?

6. Pĩrhidhi pixi xi idhi jaatagi gĩ maakadamodai gĩn ñiokikidĩ?

7. tuumaxi gĩ agai xi duñiagi go guupudabiakami bitarri go arhi kiikiirri dhi kiikiirri oidhakami bamioma kiiga darrakagi?

8. bai agadamudĩ aapimo xi go xankidĩ ga titigidhi bho eskuelana irri ñiokadami odami?

9. Daidhirxikami bimodĩ xi gĩ bopiadagi didibirrai go kiikiirri gubudakidĩ?

10. bai agada xi go oidhigi, bidhikami dhi rrekurso naturhali go árhi kiikiirri dana kiikiirri maitha gi ixtutuidhiki xi gin bopiada, tumarhi gagarrada, dhi ebargar?

11. pirhidhi xi go arhea bho guupuda biakami bho oidhakami bitarri irri gi dasakamodii xiorrai irri odamikamodi dhi maatkamudi go árhi kiikiirri?

Agiarxikami baika

sirhikami xi gin bidhakagi dana niokadagi politika oidhakami

sirhikamigadi oidhakami

go árhi kiikiirri ka biakatae sirhikamigadi xi oidhakagi, kiiga bai maaxi, salu, edukasioni, jipandukatae bixkatae oidhakami, go oidhakami odami bia jipi gin sirhikamigadi árhi kiikiirri dukai, xiadutuidhada gin oidhigiga, gin nioki, gin bithulddharra, dana go sitema normativo.

Go sitema normatibo irrandhirri: irri tiya irhidhi xi kiikiirri bia xi dukatai gin dadasadagi go guupudabiakami, bai duñiagi go soimaaxi irhiarragai dhi kiiga bikathika go obhagadi bixi aekatai odami niokadami xiankidi oidhakami kiikiirri.

Go árhi kiikiirri irri jiiagai xanxi ubaka oidhakamidhirri xanxi oidhakamikana bho bixi obhagirri pisiana xaidhi baidhirri xi tukamirri jii go koloniasion dana jipi apia bia gin istitusioni sosiali,

ekonomika, bithulddharra dhi politika, o jímoko bodírrí. Jípandukai go oidhakami árhi kiikiírrí tatarromarhi, ódami, guarijo,oba, misteko, sapoteko,, dhi íjaa.

Go kiikiírrí dhe jímó árhi kiikiírrí xanko jipo kíkírhi dhi óki xanxi xiadutudai gín bithulddharra dhi apia oijadaiña xankidí tíigi go basikíoma dhírrí oidhakami gín abínakiada, bagimiana, jaataduidhagai gín didíbírrai, bai agagi gín guupudabiakami, gín jimpiadagi bitarrí xi baiyi buadagi soíirhiarragai dana gín maamatí dhi gín jímapi obhaga. Írrí tíiya írhidhi xi go kiikiírrí oidhakami bíxi aipadírrí obhakami bueiyi dana jipo bíixi xankidí kaaxi bho gíigírkami kikirrí oidhaga xíipi koloniana, o barrio, oidhigana dana biakana gín guupudabiakami xankidí soikíi xi kíiga bai maaxi oidhakagi ogó, dana apia buadagi gín bagimiga, bai buadagi gín soíirhiarragai dhi kíiga bíkathika bíixi aékataë.

Go sírhikami dhe go árhi kiikiírrí dhi kiikiírrí oidhakami gí mamatírrí bho leyeana bíixi aipakoga oidhigi daama, mejikoanadhi bho estadorrí dhe chiguaguana.

Go guupudabiakami, diputado, juesi, dudunukami munisipali, dhi bíixkataë gí agai xi xiadutudagi gín sírhikami ódami oidhakami jípi ódami dukai dhi árhi kiikiírrí dukai.

Jíipi muiyi sírhikamigadí go árhi kiikiírrí dana kiikiírrí oidhakami, apodukai xi:

- Gín mamathíldhiada edukasioni gír ñiokikidí.
- Gí xiadutuada gín formaga dhe juurrabakagi.
- Gí xiadutuada gín didíbírrai xakoga obhakana íkíaxdhírrí baidhírrí.
- Dhi xi dukataë gí dadasai gín guupudabiakami.

Go sírhikami xi agádagi dhi biakagi gín abhana pilitika dhi apodukai biakagi xiorrai gín soikídagi amí politikoana dhi gín bidhakagi xiorrai amí gín soikídagi juurrabakagi bho árhi kiikiírrí dana kiikiírrí oidhakami.

Gí gagai xi go sírhikami xi gín bidhakagi aapimo xiorrai gín ñiokithulddhiada politikoana bíiyagi bho go leyírrí kíiga bai agadagi daidhi podukaibítarri bíixi go arhi kiikiírrí dana kiikiírrí oidhakami,

bítarrí gĩ bidhíkagi xiorrai soikídagi aĩ dunukamiana munisipali dana amĩ kongrhesorri; tĩiya ĩrhidhi xi jipukagi rrejidor ódami bh munisipiona dhi diputado naanamaaxi ñiokadami bho kongrhesorri. Go diputado amĩ chiguaguana, gĩn jĩmpagi jĩmadu ĩjaa guupudabiakami jĩpandukai go komisioni estatal bítarri go árhi kiikiĩrri oidhakami (Coepi), go instituto nasiolali bítarrí go árhi kiikiĩrri oidhakami (inpi), bítarrí xi kĩĩga biiyagi go sĩrhikami bho leyirri.

Xi go kiikiĩrri oidhakami bai agadagi idhi bai agadami, pigĩduĩimo xi gĩ dasagi jĩmai leiyi xiakoga kĩĩga agadagi gĩr sĩrhikami dhi gĩ makiagi bĩxkataẽ bítarrí jĩmo oigadagai.

bho dunukamiana munisipali (ubaidhikami)

tuumaxi ĩrri go ayuntamiento?

- Bho estadorri chiguaguana jipo 67 munisipio.
- Go ayuntamiento ĩrri go guupudabiakami bho munisipiona dana ĩgidhi ogó reglagadi go leiyi xankidi tĩgidhi kodigo munisipali.
- Go kodigo munisipali ĩrri go paperhi ojixikami xiakoga kaẽthi xi dukataẽ gĩ agai xi ga jaatabuadagi dhi kĩĩga ga tĩanida dana xi dukataẽ gĩ agai xi kĩĩga bai buadagi go ayuntamiento.

Borrai darrakana bho ayuntamientoana amĩ muisipiona de chiguaguana?

- Dunukami munisipali; ĩrri go tĩanidami tukamĩrri bho munisipiona.
- Jĩmó sindiko o sindika munisipali; ĩrri tĩanidami xanxi nuukathikana bĩixi aẽkataẽ kĩĩga gĩ duĩiagi bho munisipiona dana kĩĩga niidhiña go ĩkarhigai tuuminxi xankidi gĩ xiagĩbueiyi.
- Go rejidorha dhi rejidor; bho munisipiona jipo ódami bho rrejidurhia xankidi gĩn dadasai botoandhĩrri bĩxkataẽ oidhakami bho munisipionadhĩrri; gobai soikii go dunukami xi kĩĩga tĩanida.
- Go ĩkarhi de rrejidurhia ĩrrikamu ĩgi xiki oidhakami jipukagi munisipiona.

Jĩpandukai:

- Chiguagua dhi juarhes, biakamo 11 rrejidurhia.
- Morhi biakamo taama rrejidurhia.

- Go dunukami, go sindiko o sindika dana go rrejidorhia irrī tianidami bho munisipiorri dhi ga bai agai bitarri tianidagi. Xiankidī irrī aduidhadī go darrakidī bho ayuntamientoana?
- Bai agagi bitarri xi tianida bho municipio, ĩmpadharrana xiakoga darrakagi bixkataē.
- Go sindiko o sindika bueiyi ispesioni dhi nuukathikana xi tuumaxi buadagi go ayuntamiento.
- Go regidorhes bueiyi aduidhagai de ispesion dhi nuukathikagi go jaatabuadami xi tuumaxi ajidagi bitarri xi kiiga duñiagi ogó.

Jipandukai:

- Edukasioni, salu, obra, serbisio munisipali, etc.

Dukatai gin dadasai go ayuntamiento?

- Go oidhakami xanxi oidhaga bho municipio bai agaiña maitha sobidhikami bitarri xi dasagi gin guupudabiakami.
- Go instituto estatal elektorhal irrī ajiga xi bai buadagi dhi bikathika go elesioni.
- Go oidhakami bia sirhikami xi bai agagi bho partidoandhirri politiko o go candidato xankidī maitha biakagi partido.
- Bitarri xi bai agagi go candidato gi agai xi gi xiadutuada go parhida de generho; idhi irrī, makiagi ogó xi ijaa mos irrī igibaxi bitarri kikirhi dhi oki.
- Bho go juutudukami agixrikami gi taanii xi gi bai agagi jimo arhi kiikiirri oidhakami dhi daibagi rejidor o rrejidorha dhi gin abhana juurabakagi gin munisipioana bixi oidhakami bitarri.

Tuumaxi irrī go h. kongrheso de estadorri?

- Bia gin irrana 33 diputasioni bixi aipadirri estadoandhirri xankidī bidhikami dukana go oidhakami de chiguaguana dhi jaatabueyi igai bitarri.
- Irrī go edificio xiakoga darrakana go diputado dhi diputada bitarri xi bai buadagi ogó soirriarragai bixkataē tutuidhadī chiguguense, kiika ami giidukami kiikiirri chiguaguana.
- Bho juutudami jaatagi gi taanii xi jipukagi gin abhana odami arhi kiikiandhirri dhi kiikiirri oidhakami bho kongrhesorri.

Tuumaxi guubudakidí jaataduidhagai bia go diputasioni?

- Bai agagi go xixi gí xiabujimi de go dudunukami munisipali.
- Bai agidhagi go guupudabiakami de estado bitarrí xi tañiagi tañubidhikami bitarrí duñiarragai obra dhi kaëkagi ijaa tígithokami bho árhi kiikiirrí.
- Niidhagi go xixi xiabujimi de gobierno jimo juumigi dhi xi tígithokagi ga tañiagi jaatagi.
- Gín jimpiadagi jimo midhaga o bamioma jímó ìkarhikidí.
- Ijiopadagi xiuduku gí agadagi bho sesioni kongresorri.
- Dhidhibiada go distrito xiadirrí darraiba ogó.
- Aithuldagi bho congreso jaatagi jimpadhakatai ojixikami.

Duukataë gí dasasai go diputasioni?

- Go oidhakami xankidí obhaga bho estado chiguaguana ijikiathai bai agai xiorrai dasagi diputadorri gín distrito.
- Jimo distrito biakana muiyi municipio jimpaniidhurkami o arhidhukami.
- Gí ixtutuidhikí xi jimo municipio gíidukami gí taakobidha dhi gí duñiagi gooka o bamioma distrito jipandukai cd juarhes dhi chiguaguana.
- Go oidhakami bai agai xi xiorrai darraibagi gín bitarrí bho partido politiko o go darrakami ijigiakami.
- De go 33 diputasioni, 22 de gobai gí darrasaiña muidhutai.
- Go ijaa 11, gín dasasai bho partido politiko xanxi biakagi bamioma boto.
- Bho selesion de go kandidaturha xankidí ga títibia bitarrí diputado, go óki bia xi biakagi igí baaxi sirhikami xi go kikírhi, adhi tiiya irhidhí parhida de generho.
- Go instituto elektorhali irrí xankidí bai buaiyi dhi kiga bikathikana go alesioni.



Tikakarragai.

1. Xiorrai bai baithi gï bidhiakana gïn kiikiirri oidhakami?

2. Xiorrai bai agaiña xi xiorraikagi gïn abhana bidhikami?

3. Duukataë gïn dadasai?

4. Bïikiko jïmai gï dadasaiña go guupudabiakami?

5. Tuumaxi jaataduidhagai ibueiyi go guupudabiakami gïn obhagirri?

Bitarri go guupudabiakami munisipioandhირი.

1. Maatii pīxi xiorrai bai agai bho munisipiorri?

a) īji

b) choo

2. matii pīxi xi tuumaxi īrri jīmó regidor o regidora?

3. Maatii pīxi xi tuumaxi ibueiyi īrri jīmó regidor?

4. kīigadu xi oidhakami biakamodī gīn abhana xiorrai soikīdagi bho munisipiona?

a) īji

b) choo
ixtuiyi?

5. xiorrai gī agai xi dasagi?

a) īgībaaxi oidhakami

b) go ojobhai

c) ījaa obhakami

6. dukataē gī agai xi gī dasagi?

7. Xi tuumaxi gĩ agai xi jaataduñiagi xiorrai daibagi bho rrejidor dukai?

Bitarrĩ go guupudabiakami amĩ h. kongrheso de estado

1. Maatii pĩxi xi tuumaxi bueiyi go diputado?

- a) ĩjĩ
b) Choo

2. maatii pĩxi go diputado xankĩdĩ gĩ abhana gĩ bidhikami?

- a) ĩjĩ
b) Choo

3. pĩrhidhi pĩxi xi jipukagi jĩmo diputado oidhakami xanxi gĩabhana bidhakagi bĩxkatae oidhakami bitarrĩ go estado chiguaguana?

- a) ĩjĩ
b) choo

4. ¿tumaaxi xiorrai xi gĩ ixtutuidhikĩi xi daibagi bho rejidor o diputado?

- a) ĩjĩ
b) Choo

5. xiorrai gĩ agai xi daasagi?

- a) ĩgĩ baaxi oidhakami
b) go obhai
c) ĩjaa obhakami

6. tuumaxi gĩ agai xi gĩ bidhakagi xiorrai daba agadagi bho rrejidorhiana o diputadorrĩ bitarrĩ go kiikiĩrrĩ oidhakami?

7. dukataë gĩ agai xi gĩ dasagi?

8. Xi jipukagi bamioma xi gooka árhi kiikiĩrĩ oidhakami jĩmo munisipiona, xi dukataë gĩ agai xi gĩn abhana bidhakagi bho ayuntamientoana dhi kongrhesorĩ?

9. xi dukataë gĩ ixtutuidhĩkĩ xi kũgakĩrĩ daibagi xiorrai bai agadagi go árhi kiikiĩrĩ dhi irĩ odhakamikagi?



Aagirxikami 4

Sirhikami xi gĩ maatĩkagi dhi agadagi (leiyi de tĩkakarragai)

Go gĩn tĩkakarragai irri jĩmo sirhikami go kiikiĩrri oidhakami xi maatĩkagi, bĩtarri xi maatĩtuldhagi xi dukatae gĩn irhidhi go jĩmadukai aduidhagai uturhikami leiyi, prhogrhama dhi prhoyeto xankĩdĩ soimaaxi urhindhagi gĩn oidhagirri, bithuldharrana dhi oidhigana.

1.1 xiorrai gĩ agai xi gĩ tĩkakagi?

Bĩixi aekatae arhi kiikiĩrri dhi kiikiĩrri oidhakami xiorrai soimaxi irri digabuĩiagi go prhoyeto, plan, o medida bho estadorri, abĩnakidhikami gĩn kiikiĩrri rrurhali dhi kiikiĩrri urbano.

Bho go tĩkakarrurri generhali, gĩ ixtutuidhikii xi gi duĩiagi jaatagaitai jĩmadu guupudabiakami kiikiĩrri dana tĩkarragai espesifiko. Gi agai xi gĩ duĩiagi jĩmpadhana kaburhi darrakami kiikiĩrri xiakoga jaatagaidha go oidhakami bho kiikiĩrri.

1.2 tumaaxi gĩ agai xi gĩ tĩkakagi?

Bixi aekatae go medida, prhoyeto, aduidhaga o akto xankĩdĩ gĩ buadagi dependencia de guupudabiakami del estadoana, kongrheso, guubuda biakami judisial dhi municipio xankĩdĩ pĩrhiada xi ataduiĩiagi bho gĩn obhagirri xakoga go arhi kiikiĩrri oidakami dhi soimaaxi digabuithudagi.

1.3 xiorrai gĩ agai xi ga tĩkakagi kiikiĩrri oidhakami bho estadoana chiguagua?

Bĩixi go dependencia de guupudabiakami estatal, go kongrheso de estado, bho guubudagai judisial, go municipio dana bixkatae go oficina guupudabiakami.

1.4 Dukatae gĩ agai xi gĩ duĩiagi go tĩkakarragai?

- İkiaxdhĩrri xi gĩ agagi jĩmó aduidhagai
- Maitha oboigami
- Kĩĩga xiadutuidhikami
- Kĩĩga aatagikĩdĩ
- Maitha yatabugami dukai
- Maitha gĩ buadatai simulasioni

- Gĩ agagi kīigakīrrī buabuidharrakīdī
- Gĩn ñiokidī xanxi gĩ ñiokadagi gĩn kiikiīrrī
- Īgi xiuduko pīrhiada go arhi kiikiīrrī.
- Īgi xi dukataē bai agadagi go kiikiīrrī
- Bītarri xi gĩ bai agagi jaatagi.

1.5 Gĩ agai xi pīigiduñiagi go tīkakarragai?

- Xiakoga go oidhakami gĩn jīmpadhi bho kiikiīrrī.
- Xiakoga bai agadagi go guupudabiakami xi gĩn jīmpadhagi

1.6 etapagadī go tīkakarragai?

- Tuukamīrrī, go dependensia ajiīdami xi gĩn aithuldha jaatagi bho kiikiīrrī oidhakami xakoga juukami ajiīda go prhoyeto o ixtumaaxi gĩ tīkaka agada, taamīrrī gĩ agai xi bai agagi jīmadu go kiikiīrrī xi dukataē, xiakoga dhi xiuduko gĩ pīduñiagi go tīkakarragai. (etapa de bai agadami jīkiaxdhīrrī)
- Gookīrrī, go dependencia aajiīdami gĩn aithuldhamo jaatagi kīigadukami, kīiga maatīi kaikarrukami dhi gĩn ñiokikidī gĩn kiikiīrrī bīixi aēkataē ixtumaaxi gĩ duñiagada go prhoyeto o medida xanxi gĩ tīkaka agadagi. (etapa agirxikami)
- Baikarri, kiikiīrrī oidhakami biakamo xi dukataē gĩn atagiagi bītaarri go jaatagi xankidī gĩn makithu, jīmadu bīxkataē oidhakami bho kiikiīrrī dhi gĩn tīgithoagi xi bai kīigadu o maitha kīigadu xi go asioni o prhoyeto xanxi gĩ duñia īrhiada gĩ ixtutuidhīkīi xi biakagi bho kiikiīrrī (etapa deliberhatiba)
- Go tīkakarragai oidhakami agadamó gĩ agai xi nathoagi ixtumaaxi bai agadagi bho aipadīrrī o dependencia de guupudabiakami dhi apodukai gĩ ixtutuidhīkīi xi biakagi bai agádami o maitha bai agádami de kiikiīrrī xanxi bho gĩn juurabakagi amī prhoseso tīkakarragadīrrī.(etapa tīkakarragai). Īrrī busaikami bho tīkakarraga dhīrrī ixtutuidhīkīi xi jīmai bai agadami dasagi xi bai tuukamīrrī.
- Kuugatīrrī, guupudabiakami ajiīakami dhi órgano xanxi jaatabueiyi bho prhoseso de tīkakarragai gĩ agadamó xi maatīi nijadagi xi bīixi aēkataē xi tuumaxi bai gĩ aa gĩ buabuikidī gĩ jaataduñiagi ka agirxikami bīixi aipadīrrī. (etapa niijami nukaidhidhithai).

1.7 tuumaaxi ubaka bho go tīkakarrandhīrri

- Go bai agadami xankidī ubakidhagi xiuduko gī bujidhagi go tīkakarragai irrī kamo buabuikidī dhi guubudakidī bīitarrī bixkataē dhi gī guubudakidī gī taanīdamo judicialmente.
- Xi jiipukagi jīmo soi īrhiarragai bītarrī xi maitha gī jaataduiyi, go tīianīdami aajiakami agadamó xi maigobai daithudagi go buadami go medida o jaataduidhagai xankidī gī buadagi.

1.8 tuumaxi gī pīduñiagi xi maitha gī duñiagi go bai agadami xanxi agadagi go kiikiirri o xi maitha kīga gī pīduñiagi go tīkakarragai.

- Jiipo naanamaaxi xi dukataē gīn soikidhagi daidhi podukai kīga bai gī duñiagi go kīga agadami:
Bai agadami baiduñiarragai
Sansioni administrhatibo (amonestasioni publika, sansioni ekonomika, suspensión dhi inabilitasioni).
Sansioni bho orden sibil (bai duñiarragai ix tuumaxi soimaaxi duiyi etc).
Dana sansioni penali (kuupatudagi).

Tīkakarragai

1. kīgadu xi go leiyi maatiika go sīrhikami de árhi kiikiirribītarrī dhi tīkadadagi xiuduko gī bai agadagi jīmo jaatagi bho estadorrī o municipio daidhi apodukai maitha soimaaxirri dīgabuñiagi go oidhakami.

a) Ījī

b) Choo

dukataē pīrhidhi aapimo xi gīn tīkadagi?

2. bai m̄ix agai xi go leiyi guubudak̄id̄i t̄ian̄idagi go guupudabiakami xi xiadutuada dhi buabuikid̄i duñiagi go bai agadami am̄i kiikiirri xikad̄i ḡi t̄iikakadagi?

a) Īj̄i

b) Choo
ixtuiyi?

3. P̄iirhidhi m̄iixi xi go agadami agada xi go diputado ḡin makiagi oigarragai xi j̄imai leiyi daibagi xanxi bidhiakagi ḡin s̄irhikamiga go t̄iikakarraga ḡi duñiagi.

a) Īj̄i

b) Choo

tuumaxi j̄imaamaaxi p̄irhidhi aapimo xi ḡi duñimod̄i?

4. p̄iirhidhi m̄iixi xi go diputado duñiagi j̄imo leiyi xank̄id̄i agadagi xi dukataë ḡi agai xi ḡi t̄ikakagi bho kiikiirri oidhakami.

a) Īj̄i

b) Choo

tuumaxi j̄imamaxi ḡi agai xi agadagi go leiyi?



Agirxikami 5

Sirhikami biakarragai go justisia

1. xikadi jimo oki o jimo kirhi bho arhi kiikiirri oidhakami daibuskii jimo soiirriarragai bho oficina de fiskalia o jimo juggadoana, idhi dudunukami tittigidhikami judisial, bia xi guubudakidi gin makiagi soihi jimadu xiorrai maatikagi gin bithuldharra, gin nioki dhi gin sirhikami, gobai xanxi gi agai niokithuldhiadami, bitarri xi gin soiñagi xi maati kaekagi tuumaxikidi dhi ixtuidhiagi gin soiñagi.
2. xikadi jimo oki o jimo kirhi bho arhi kiikiirri oidhakami daibuskii jimo soiirriarragai dhi gi agadagi xi buidhirri dakagi jimo juez, bia sirhikami xi gi soiñithulda jimadu xiorrai kabami maatikami ixtumaaxirri soiirriarragai dhi soiñagi xi maitha gi kuupatudagi, bitarri xi idhi jaatabuadami ixtutuidhikida xi kiiga duñiagi gin jaataduidhagai tittigidhikami agente de inbestigasion, gi agai xi maatika ogó gin bithuldharra, gin nioki xiorrai gi soikidagi.
3. go kongrheso biixi piirhidhi xi jimai leiyi dasagi, baidha podukai go guupudabiakami biakagi jimo eskuela tittigidhikami sentrho de oidhakami niokithuldhiakami o agadami, xiakoga go oidhakami bho arhi kiikiirri xanxi maatii gin bithuldharra di nioki ixtutuidhikida xi maatiagi gin sirhikamiga dhi gin soikidagi ixtumaaxi agaagadagi dhi tigithoka.
4. bitarri xi idhi eskuela de oidhakami niokithuldhiadami e agadami biakagi oigarragai dhi tuuminxi bitarri xi ga jaataduñiagi dhi tittigiadagi ijaa jimamaaxi niokadami arhi kiikiirri oidhakami ami niokithudhiada dana sirhikamigadi, irri gi agai xi ijaa darrasagi leiyi, jipandukai go leiyi organika de guubudagai ejekutibo dana go leiyi xankidi agai xi dukatae gi agai xi gi jaatabuadagi bho juggadoana dhi xiorrai jaatabueiyi bhobai: tittigidhikami leiyi organika de guubudagai judisial.

5. bitarri xi go sirhikami biakarragai justisia bai gi soikidagi, jipi gi agai xi jimai dasagi bho leiyirri fiskalia, xiakoga gi dasamodi xi go xankidi gi agai ga ninidhiña go xi dukatae daibusai go soirriarragai, tigitidhikamiagente de inbestigasioni, gi agai xi maatikagi gin bithulधारra dhi naanamaaxi nioki oidhakami.

Tiikakarragai

1. kiiga miixi bai agai xi jipukagi odami niokadami xanxi gin niokithuldhia dhi soikidagi gin sirhikami dhi gin niokikidi gin niokadagi xikadi gin bidhakagi jimo soirriarragai dhi gin biigakagi asesoria, soini?

a) Iji

b) Choo

ixthuiyi?

2. bai agai miixi xi jipuka jimo eskuela (sentrho de oidhakami niokithuldhia dhi o agadami)xiakoga gi ixtutudhikida xi gi mamatiirrada niokithuldhia dhi o agadagi ixtumaaxi agadagi aapimo di maatika irhiadagi xi maatikagi.

a) Iji

b) Choo

dukatae ojoidhi aapimo xi maaxikamodi go eskuela?

3. bai miixi agai xi go fiskalia biakagi jimo arhea de inbestigasioni xiakoga go lisenziado, polisia dhi agente de ministerio publiko, niokadagi gir nioki dhi maatikagi gir buabuidharragai gir

sirhikami bixkataë oidhakami árhi kiikiirri.

a) Iji

b) Choo

dukataë piirhidhi xi ga jaatabuadamodii?

Ojixikami biixi aëkataë

Gí títíarragai:

Arhi kiikiirri oidhakami:

Obhakami:

Municipio:

Go ojai xankidi darrakagi taamidhiirri dhi xiakoga pi gi duñiagi gi agadamo xi sudadagi bitarri mos kaaxi bitarri go kongrheso de estado chiguaguana, xiuduko gin makithuda go folleto.

Tuumaxi Tasaf:

Xiakoga gin jimpaidhi:



H. CONGRESO DEL ESTADO
DE CHIHUAHUA

LXVII
LEGISLATURA

CHIHUAHUA, CHIH.

